





## 報

界外均有廳官治理獨該處未免向隅奴才於札派差委道顧肇熙赴雙城堡訪查總管清瑞被參各款面諍該道就近體察情形據實稟覆茲差竣回省稟稱該處居民聞有設官之說情詞極爲欣慰等語如於雙城堡地方添設撫民通判一員加理事銜並於拉林地方添設分防巡檢一員俾兩處旗民皆得就近治理且與界外各廳壤地相接亦不致政教兩歧現已派員前往查勘應如何設官建署再行另摺奏聞伏思雙城堡既擬設立民官地方一切事宜歸其經理仿照伯都訥廳長春廳舊章稟由奴才衙門核辦而總管無所司事且其職分較崇與廳官同城辦事亦多窒碍照五常堡之制仍於該處改設協領一員專司緝捕及一切旗務以昭畫一而免牽掣現在雙城堡總管清瑞因案遵旨查辦自有應得處分所有總管一缺可否暫緩簡放奴才委派協領先行護理之處恭候聖裁奴才爲整飭吏治因時制宜起見是否有當不揣冒昧謹附片具陳伏乞聖鑒示遵謹奏軍機大臣奉旨著照所請該部知道欽此○何璟等片再臣渡台時據淡水基隆等處紳耆稟稱臺灣各屬均建有天后神廟每風雨爲災虔誠祈禱輒著靈應本年六月十九日暨閏七月初一二三等日台灣沿海地方疊遭颶風狂雨勢甚危急紳耆等隨同地方官禱於天后神廟幸蒙神靈顯應風雨頓止海濱居民田廬不致大有傷損稟懇奏請頒賜匾額以答神庥等情並據該府縣稟同前由臣等查廟祀正神能禦災捍患有功德於民者例得請頒匾額今台灣各屬廟祈禱輒應功德在民合無仰懇皇恩頒賜匾額一方敬謹刊刻分送懸挂以昭崇報謹附片具陳伏乞聖鑒訓示謹奏奉旨已錄

十一月二十六日 督撫憲轅報 補用通判凌  
綬曾稟知運司委會辦鹽法志局差候補通判王  
宗渠稟辭往催東莞香山新會省米岑番禺縣袁稟  
辭下鄉公幹候補縣邱鴻炳稟辭回廠候補縣劉  
鳳階稟謝超委候補縣劉祖祺稟知委查覆西關  
賭館畢候補縣孫之灝稟銷白沙緝私差並呈手  
摺候補縣杜鹿鳴稟辭往東莞勘丈沙田仰高明  
縣岑稟知臬司委赴高要清理監羈人犯候補巡  
檢劉煥章稟辭往韶屬乳源傳種洋痘稟憲龔廣  
州府饒南海縣徐番禺縣袁俱稟知處決犯人畢

請官捕盜 花縣及南番清遠等縣盜賊充斥大爲地方之患茲有職員任杰等赴督轅呈訴二十四日張制軍批云查南番清遠四縣爲附省要區地方遼闊河道連綿匪徒出沒靡常迭次窺伺搶劫地方官不爲認真拿辦非以地涉交界互相推諉卽或意存消彌諱匿不報致令匪徒肆行擾害忌憚毫無言之深堪痛恨前據該紳等控

新

論琉球欲圖恢復 閱東瀛西  
字報言琉球遣有使臣二員前  
往中國寓於京都嗣見故國已  
爲日本所滅而中朝不聞興一  
義旅以相拯救不勝悲憤一則  
自刎而死一則絕食而亡中國  
深爲敬禮命以華禮從優殯葬

園所稱  
英敢抗  
定其

馬又申報謂接有旅京西友來函言琉球既滅之後去年曾有琉臣至總理衙門求請中朝代

日 十 三 月 壹 十 年 巳 辛

經撫部院飭據花縣申令查明通稟當經批飭移會各該縣訂期會辦並由統帶巡船省河緝捕鄧總兵等酌撥巡船前往貓兒頭河面擇要駐守梭織巡緝在案厥後該縣等若何查辦曾否認真抑徒以掩飾耳目已可概見據呈貓兒頭一帶河面現復搶劫頻仍商民迭遭擾害皆由該管文武平日於緝捕一道毫不關心視會辦一事置之度外因循玩泄長難苟安縱盜殃民莫此爲甚仰東按察司迅即移知鄧總兵等並嚴飭花縣清遠南海番禺等縣訂期前往勸辦勿令盜賊橫行蔓延爲患大千撤參司稱貓兒頭河面地當衝要巡船移泊岸步相距較遠勢難兼顧等情該司併移鄧總兵等查明所派巡船究應如何擇要駐守巡緝力免疎誤妥籌具報粘抄保領並發

例恤窮員 省中大憲每際歲除由藩轅撥出欸項以調恤窮員之苦著爲定例茲聞前日姚方伯懸牌照例調恤惟必須窮員親供及同鄉官具結先赴廣州府報明籍貫及到粵年分以備廣府行查造冊呈報而廣州府饒太尊亦已懸牌示諭由十二月初一日起至初十日凡屬窮員認真貧困久無差事准其寫明籍貫履歷由同鄉官具結本府查明委係到粵年久又無差委實在窮苦詢查同鄉官均悉景況然後註冊報明藩憲分別調恤倘現有差事及已經得有優差纔撤委回省尙可支持不得冒領如有此弊立即扣除並即查究記過現此牌已張掛數日其聽鼓隨班貧困無聊者莫不聞而色喜也○新婚受辱 城南泰康里有李某者乃螟蛉嗣也其本生父張姓製造豆腐挑販街前多生子女家道甚貧李姓無子以數十金憑鄰舍某乙作保買爲嗣子其時子已四歲由是撫育成人居然父子家業雖非殷富而勤儉營生亦堪度活鄰街有張氏婦孀守多年僅生一女愛如拱璧夫在日蓄積資財雖伯道之無兒幸中郎之有女現年已二十餘歲擇壻而配不輕許人其時李之子僅十有七歲耳有以鄰街張姓之女年庚來報者李亦爲首肯蓋知其母饒于財也着媒爲之撮合許以重謝隨有謂其張冠而李戴者欲爲中止李答曰我乃李姓與張姓何涉遂過聘而納采焉前數日乃婚姻之期百輛迎門三星在戶張姓族人聞知以其貪財視視宗譜如路人殊屬不甘俟婿到門拜謁糾合多人將堵用墨塗汚面頰而燃放爆竹以窘之路人見之大爲驚異而不知張姓人作此惡劇也

聞新外中  
論琉球欲圖恢復 閱東瀛西  
字報言琉球遣有使臣二員前  
往中國寓於京都嗣見故國已  
爲日本所滅而中朝不聞興一  
義旅以相拯救不勝悲憤一則  
自刎而死一則絕食而亡中國  
深爲敬禮命以華禮從優殯葬  
焉又申報謂接有旅京西友來  
函言琉球既滅之後去年曾有  
琉臣至總理衙門求請中朝代

爲設法今年又聞有琉球二臣至天津求請李伯相代籌抵津後球臣中已有一人身故矣觀此二事其中或虛或實雖難臆斷然以私意測之東瀛報所述或傳自日人而藉以探中朝之消息未可知也西人之函所稱則琉球之君雖被羈留而痛宗社之淪亡悵關山之難越密遣使臣爲包胥之痛哭是亦情理之可信者也夫琉球壤地褊小僻處海澨土膏饒瘠人民貧乏其存其亡原於中國無關輕重日本恃其詐力脅而降之廢置惟命如敝一官革一弁莫敢抗違是其君臣之不足有爲抑亦可以概見矣然以中朝視之則固儼然藩服是國家不侵不叛之臣當與社稷而靈長山河而並壽者也乃日本方肆其鯨吞而中朝竟視同馬腹以爲伊犁之地俄人既不肯讓還則緩急之間先後之序當權衡以定其措施詎庸知狡焉思啟封疆以利社稷者已幸機有可乘而奮其鷹擊鵠起之勢而攫之惟恐不力乎然爾時事難兼顧誠不能再構釁於鄰封以致俄人乘於北而日本擾於東則置爲緩圖亦屬事勢之不得不然固不足爲中朝病也惟是琉球一日不能復興則琉球之臣民一日身爲俘虜即琉球之君一日失守其宗祧而中國之不能庇其籓服亦屬一日有歉於心而無解於二百餘年之受其職貢寵以錫命是琉球一國中朝在所必爭微特日本之人知之即天下萬國亦莫不知之也且不獨爲所知之抑亦爲所料及而謂其情其理之應出於此者也然則興滅固存使琉球失國而復得國若邢遷之如歸衛國之忘亡豈不重賴有中朝哉由此以推則琉臣之或自刎而亡或絕食而殞雖無其人而不可無其事也即無其事而不可無其說也蓋所以作忠臣之氣而生庸臣之愧誅貳臣之心而平憤臣之憾者其維持世教存人心於不死俾正氣之常留正非淺鮮也顧或者謂中朝今日時事多艱自顧不暇其於琉球久已置諸度外即琉臣引義自裁死亡以千百計亦屬徒死而已何足爲琉球重此之傳說不過日本以夷滅琉球於理不順於情不公恒懼中國聲罪致討移師東指兵連禍結力必不支故特傳播謠言以探中國之動靜使得有以預防抑旁觀之國有幸災樂禍之心欲構中東啟釁以成鵲蚌之相持隱冀從中而享漁人之利故聞風捕影爲此子虛烏有之談在中朝正宜靜以觀之詳以審之而不可稍存虛懦之氣致爲流言所動以墮貪人術中也不知聽言之道不厭其詳惟衡之以理揆之以情準之以勢以自得其要領之所在而已矣其言之非者固不必遽斥其非而須求其非中之虛實其言之是者亦不必遽喜其是而須求其是中之利害利害相形而情僞呈焉於以用中於民斯措之則正施之則行而天下事雖繁變紛紜自無難處者矣苟明乎此則中國之於琉球其當若何爲之設法又何待再計而始決哉

電音彙錄 二十七日英都倫敦遞來電音云法國承委辦事局員接有大臣咨文着將國家間日規例妥爲更改俾臻允協以便遵守而免事有紛歧罔知適從焉同日電音又云阿非利加洲北境之埃及國所有勳爵重臣以時事多艱朝廷不能振作會議聯名請求英法兩國協力保護惟英法駐埃國之公使以其本屬土耳其機籐服土廷理宜爲之設法以保安康今轉求庇於外國則受人之託者常患人之事稍有意外則負歉良深故仍未之允肯也

○高麗近耗 高麗信息云其國有鄉民一千五百餘名聯合成黨欲謀不軌後經發覺被官差捕獲爲首者四人高王戚屬李社仙實爲之謀主亦被拘禁發交刑部訊悉後將爲首者立正典刑旅居鳳山日人得聞此信恐高廷窮究其事致與日人有關涉或將驅逐出境故日人齊赴領事署各執軍器以防意外又添設差役晝夜巡邏焉

○帆船失事 聞有英船古巴帆船由基隆滿載煤炭開行來港不料駛至中途偶爾失事至其詳細則尙未知也

小呂宋郵音 小呂宋來信云聞有某甲擬在東京選農人之明於土宜精於種植者往魯新島之北以開墾荒蕪盡力稼穡焉蓋以東京農人善於種植故特僱用之以藉人力而收地利也此人亦可謂能知務本者哉

○東瀛郵音 神戶信息謂是處稅關總理人嘉沙夏思現已啟行前赴紐約蓋奉有日廷之命馳往以充駐劄紐約領事之職也聞此人在神戶已有兩載勤於其職前曾在長崎充當稅關總理及副總督後因神戶總理那加澳加因事卸任此人遂膺是職今又陞往紐約也

○救生新器 西人性情爽直遇事奮力不避艱險其於救人之急尤覺義形於色奮不顧身以視平時論事則強詞奪理恒欲屈其座人稍遇小變故臨小利害則茫無所措及平事後又惟便是圖者迥不侔矣茲聞旅港西人之救生會又以前所用之烟火器具爲未得法博訪周咨凡值風勢陡作之時船艙覆溺性命在於呼吸間者凡燃放之火具必須所繫之繩擲出及遠現有西人都輔及名魯二人偕機器師丹尼製成一炮身長約西尺二二二寸半入藥二安士繫彈之繩距四百碼之遙繩先捲作球樣放諸鐵罐內燃炮響發則彈速飛帶繩直出現此炮寄往巴明威處俾格致之士詳爲試驗若果可用則將預備以爲救人之具焉

濟世婆心 聶耳陳香園先生精於岐黃術而以濟世爲心所製膏丹丸散藥到病瘳名著遠邇二十三日王后大道有昌洋貨店失慎變起倉猝鄰右驚心循環日報館緊與昆連各件救火者搬火者紛如撒椒筋疲力竭手腕腰脊翌日多患酸痛先生惠以藥酒敷以藥膏未幾即手能握臂腰能勝帶厥患若失似此功參造化眞醫術中不易多觀者也宜其扁鵲題充溢門庭矣

○漢皋





等能庇波架星街  
 固火船一隻名雲  
 旬那約期十二月  
 初九日啟行前往  
 星架波庇能倫敦  
 蘇士如貴客欲附  
 貨搭船者請至本  
 行面議此佈  
 辛巳十一月廿九  
 太古洋行啟

做至辛巳年十一  
副令伴酌議願將  
什物一概頂與盧  
到各行揭項附項  
卓隆高記舊人支  
無涉如日後生意  
特此聲明以免後  
一月十一日

子嶺山地近因年老  
半每欲尋地師與吾  
之先生一概乃係江  
大瀝堡李坤田先生  
函門穴甚佳吾則領  
陽氣因形配穴陰陽  
風水之真傳於是即  
輩十分明白世所罕  
平生之願矣至十月  
爲霖謹識 三歲

理陳杰盛陳華昌陳玉  
杰盛等志圖別業願將  
已頂受所有外頭各港  
意盈虧亦與陳杰盛華  
業現年五月二十九日  
記名下股份折出所有  
華昌即華記頂受改爲  
春華記號自認理直與  
彼此當衆心情甘愿各  
廣春華記號啟

輪船以德  
於本月廿七  
月初壹日  
前往神戶  
管等埠倘  
祈請至中  
左便本行  
至  
廿三日  
公司謹啟

往星架坡鹿能等  
固火船一隻名學  
甸那約期十二月  
初九日啟行前往  
星架坡鹿能倫敦  
蘇士如貴客欲附  
貨搭船者請至本  
行面議此佈  
辛巳十一月廿九  
太古洋行啟

生 意不前令件酌議愿將  
底架生什物一概頂與盧  
所有欠到各行揭項附項  
賬俱歸阜隆高記舊人支  
堂新人無涉如日後生意  
人無涉特此聲明以免後  
年十一月十一日

茶獅子嶺山地近園年耆  
該一半每欲尋地師與五  
所請之先生一概乃係江  
本邑大漚堡李坤田先生  
結作劍門穴甚佳吾則領  
形之陽氣因形配穴陰陽  
確得風水之真傳於是即  
太極暈十分明白世所罕  
慰吾平生之願矣至十月  
村曹爲霖謹識 三

生理陳杰盛陳華昌陳丁  
陳杰盛等志圖別業願將  
自己頂受所有外頭各港  
生意盈虧亦與陳杰盛等  
已業現年五月二十九日  
守記名下股份折出所有  
陳華昌即華記頂受改爲  
廣春華記號自認理直與  
涉彼此當衆心情甘愿名  
陳廣春華記號啟



